


Republika e Kosovës Republika Kosova - Republic of Kosova

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY

Duke u bazuar në nenin 11 paragrafi 1.1, nenin 5 paragrafi 1.5 dhe nenin 18 paragrafi 10 dhe 11 të Ligjit nr. 03/L-159 për Agjencinë kundër Korrupsionit si dhe nenin 29 paragrafi 1 pika e) të Rregullores së Punës të Agjencisë kundër Korrupsionit, Drejtori i Agjencisë kundër Korrupsionit me datë 05.06.2012, nxjerr këtë:

V E N D I M

I. Mbyllet rasti me nr.AKK- 03-5098/11,për Zyrtarin e Lartë z. Shkumbin Kastrati, ud.i Drejtorit të Departamentit të Regjistrimit të Gjendjes Civile ne Ministrin e Punëve të Brendshme, për shkak se Zyrtari i Lartë ka shmangur gjendjen e mundshme te konfliktit të interesit në të cilën ndodhej.

II. Rasti mund të rihapet në çdo kohë kur mund të paraqiten rrethana të reja.

A r s y e t i m

I. Në rastin e shqyrtuar për konflikt të mundshëm te interesit është zhvilluar procedura e parapare sipas nenit 18.1 te ligjit Nr.04/L-051,Per Parandalimin e Konfliktit te Interesit ne Ushtrimin e Funksionit Publik.

Pas informatës se marre gjate kontrollit te formularit për deklarim te pasurisë, ka filluar shqyrtimi i lendes me numër protokolli AKK-03-5098/11, që për trajtim ka pasur Zyrtarin e Lartë, z.Shkumbin Kastrati, u.d.i Drejtorit të Departamentit të Regjistrimit të Gjendjes Civile ne Ministrin e Punëve të Brendshme.

Gjate zhvillimit të procedurës dhe analizimit të gjendjes është konstatuar se zyrtari e lartë, gjatë kohës se ushtrimit të funksionit publik si, u.d.i Drejtorit të Departamentit të Regjistrimit të Gjendjes Civile ne Ministrin e Punëve të Brendshme, ka qene i regjistruar ne Agjencinë për Regjistrimin e Bizneseve ARBK, si pronar dhe person i autorizuar ne biznesin , N.T.P. "Lediana" ne Gjakovë, e që sipas Ligjit për Parandalimin e Konfliktit të Interesit në Ushtrimin e Funksionit Publik Nr.04/L-051, kjo situatë ka paraqitur konflikt të mundshëm të interesit, dhe mos pajtueshmëri ne ushtrimin e funksionit publik, andaj Agjencia kundër Korrupsionit me datën 27.03.2012, e ka njoftuar zyrtarin e Lartë me shkresën e parë se ka filluar procedura e shqyrtimit

të gjendjes së mundshme të konfliktit të interesit dhe se ka të drejte në afatin prej 15 ditësh të njoftohet me faktet që posedon Agjencia.

Pas këtyre procedurave, z.Shkumbin Kastrati, pasi ka kontaktuar me zyrtaret e Agjencisë ka kërkuar të ballafaqohet me faktet që posedon Agjencia.

Me datën 12.04.2012 është mbajtur takimi me, z.Shkumbin Kastrati, në zyrat e AKK-së, gjatë takimit, është biseduar për gjendjen dhe faktet që disponon Agjencia lidhur me konfliktin e mundshëm të interesit.

Zyrtari i Lartë, z.Shkumbin Kastrati, gjatë takimit është pajtuar për situatën mirë po është arsyetuar se nuk ka qenë informuar për këtë, pasi që nuk e ka informuar as kush që nga momenti i emërimit si. u.d. i Drejtorit të Departamentit të Regjistrimit të Gjendjes Civile në Ministrinë e Punëve të Brendshme.

Zyrtari i Lartë, z.Shkumbin Kastrati pas pyetjeve që i kanë bërë zyrtarët e AKK-ës, është përgjigjur duke shpjeguar se biznesin privat që e ka, mendon se nuk ka asnjë lidhshmëri me funksionin publik, dhe nuk ka pas njohuri për këtë situatë që mundë të shkaktoj Konflikt të mundshëm të Interesit dhe mos pajtueshmëri në ushtrimin e funksionit publik.

Zyrtaret e AKK-së, e kanë njoftuar z.Kastratin për situatën e cila paraqet mos pajtueshmëri në ushtrimin e funksionit publik të paraparë sipas ligjit Nr.04/L-051, Për Parandalimin e Konfliktit të Interesit në Ushtrimin e Funksionit Publik.

z. Shkumbin Kastrati, është zotuar se në afatin ligjor do të bëjë ndryshimet në këtë biznes, ose do të largohet nga funksioni menaxhues si u.d. i Drejtorit të Departamentit të Regjistrimit të Gjendjes Civile.

Me datën 22.05.2012, zyrtari z. Shkumbin Kastrati, ka dërguar një shkresë ku e njofton AKK-në se ka paraqitur kërkesën e tij për dorëheqje pranë Kryeshefit Ekzekutiv të ARC-së z.Blerim Camaj, dhe Sekretarit të përgjithshme të MPB, z.Ilhami Gashi.

Po ashtu Agjencia kundër Korrupsionit është njoftuar nëpërmes pikes kontaktuese në MPB nga znj.Vjollca Bruqi se z.Shkumbin Kastrati ka dhënë dorëheqje nga pozita u.d. i Drejtorit të Departamentit të Regjistrimit të Gjendjes Civile në MPB, kurse në vendin e tij është caktuar znj.Sabrie Rashani si u.d. i Drejtorit të Departamentit të Regjistrimit të Gjendjes Civile.

Andaj në bazë të dëshmive dhe të dhënave për zyrtarin e lartë konstatohet se:

z. Shkumbin Kastrati, u.d. i Drejtorit të Departamentit të Regjistrimit të Gjendjes Civile në Ministrinë e Punëve të Brendshme ka shmangur gjendjen e mundshme të konfliktit të interesit në të cilën ndodhej, pasi që nuk mbanë me pozitën e u.d. të Drejtorit të Departamentit të Regjistrimit të Gjendjes Civile në Ministrinë e Punëve të Brendshme. Kjo situatë ka paraqitur mos pajtueshmëri me funksionin publik si u.d. i Drejtorit të Departamentit dhe funksionit si personi autorizuar dhe pronarë në biznesin e tij Privat N.T.P. "Ledianë" në Gjakovë.

Andaj u vendos si në dispozitiv të këtij vendimi.

II. Në pajtim me nenin 18 paragrafi 11 të Ligjit nr. 03/L-159 për Agjencinë kundër Korrupsionit. Agjencia mund të rihap rastin në çdo kohë nëse paraqiten rrethana të reja.

Vendimi iu dërgohet:

- Zyrtari i lartë publik
- Drejtorit të DPK- së
- Z./znj. (zyrtari përgjegjës)

Hasan Preteni
Drejtör i Agjencisë kundër Korrupsionit

